
Фарғонада Президент мактаби қурилиши бошланди

Фарғона шаҳрида Президент мактабининг қурилишига тамал тоши қўйиш маросими бўлиб ўтди. Унда вилоят ҳокими Шухрат Ғаниев иштирок этди.

Умумий майдони 2 гектарни ташкил этадиган мазкур мактабда ўқиш ва спорт билан шуғулланиш учун барча шароитлар яратилади. Иккита ўқув корпуси, бассейн ва гимнастика зали, ётоқхона ва меҳмонхона, футбол майдони, волейбол-баскетбол майдончаси, плац, рекреацион зона, гулзор ва ўқув-тажриба участкаси, паркинг бунёд этилади. Шунингдек, ободонлаштириш ва кўкаламзорлаштириш бўйича катта ҳажмдаги ишларни амалга ошириш режалаштирилган, дам олиш масканлари, гулзор, ёпиқ автотураргоҳ ташкил этиш кўзда тутилган.

Қурилиш ишлари "Файз бинокор Олтиариқ" масъулияти чекланган жамияти томонидан амалга ошириляётган Президент мактаби 2020 йилнинг май ойида фойдаланишга топширилади.

2019-10-29 17:03:15